

Razrješenje predsjednika Poplašena – Odluka za Brčko

Razrješenje predsjednika Poplašena

Visoki predstavnik je primio na znanje mišljenje Narodne skupštine Republike Srpske u vezi sa razrješenjem sa dužnosti gospodina Poplašena. Međutim, razrješenje gospodina Poplašena je konačno i neopozivo. Gospodin Poplašen više nije predsjednik Republike Srpske. Sve mjere koje on eventualno može poduzeti u namjeri da iskoristi ovlasti i privilegije svoje bivše funkcije su nevažeće. Odluka Narodne skupštine nema utjecaja na konačnost odluke Visokog predstavnika o razrješenju gospodina Poplašena, budući da Skupština nema nadležnost za ukidanje ni mijenjanje ove odluke.

Ovlaštenje Visokog predstavnika da razriješi bivšeg predsjednika proizilazi iz Aneksa 10 Općeg okvirnog sporazuma za mir. Visoki predstavnik je odgovoran za promoviranje implementacije Daytonskog sporazuma. Pored toga, OSCE je potvrdio da je razrješenje u skladu sa Pravilima Privremene izborne komisije, i da gospodin Poplašen uopšte nije poštovao normalan demokratski proces.

Visokom predstavniku nije preostala nijedna druga alternativa nego da razriješi gospodina Poplašena kada je namjerno i stalno opstruiranje rada vlade od strane bivšeg predsjednika dovelo do zastoja u postizanju onih ciljeva sa kojima se Republika Srpska saglasila. Visoki predstavnik je sa žaljenjem poduzeo ovu mjeru i to nakon niza upozorenja gospodinu Poplašenu koja je on ignorirao.

Odluka za Brčko

Visoki predstavnik je primio na znanje zaključke sa jučerašnje sjednice Narodne skupštine Republike Srpske u vezi sa arbitražnom odlukom za Brčko. On pozdravlja odluku Skupštine

da ostane angažirana na tumačenju i implementaciji ove odluke. Visoki predstavnik se nada da će se ovaj duh saradnje proširiti na članove zajedničkih institucija da bi nastavili sa svojim dragocjenim radom.

Visoki predstavnik bi želio još jednom naglasiti da su on i supervizor Farrand spremni da se sastanu sa komisijom koju je formirala Narodna skupština kako bi saslušali njihova stajališta u vezi sa ovim značajnim pitanjem. Visoki predstavnik je istakao da će im pružiti podršku u zahtjevima prema svim involviranim međunarodnim predstavnicima da sagledaju pitanja koja smatraju značajnim, i ponovo, on se nada da će ovo angažovanje biti uzvraćeno od strane vlasti u Republici Srpskoj i članova zajedničkih institucija.

Visoki predstavnik uviđa da je naročito izražena zabrinutost u pogledu teritorijale povezanosti Republike Srpske. On je uputio pismo predsjedniku Narodne skupštine u kojem garantuje da se zadržava kontinuitet teritorije kao što je to prikazano na daytonskoj karti.

Nadalje, Visoki predstavnik bi želio naglasiti da ne postoji veza između razrješenja predsjednika Poplašena i odluke o Brčkom. Ova dva pitanja su uvijek bila odvojena i takva i ostaju. Na vremensku odrednicu razrješenja gosp. Poplašena je utjecao četrdesetosmosatni rok koji je on sam nametnuo, tako da su se ova dva događaja odigrala u isto vrijeme.